



Saxtorph Didriksen
Inatsisartunut ilaasortaq
Inatsisartut
/MAANI

§ 37 naapertorlugu apeqquut nr 2014-139-imut akissut

Inatsisartut suleriaassianni § 37, imm. 1 naapertorlugu avaleraasartuunik aalisarneq pillugu Naalakkersuisunut apeqquteqarsimavutit. Apeqqutit uannut akisassanngorlugit innersuutigineqarsimapput.

Apeqquut:

1. Naalakkersuisut nassuiaatigisinnaavaat avaleraasartuunik pisassinneqartut qulakkeerlugu namminneq pisassatik aalisarneraat imaluunniit pisassaminnik tunisaqarnersut allanut aalisariutaatilinnut?
2. Qanoq qulakkeerneqarpa avaleraasartuunik pisassinneqartut aqumiunik kalaallinik atuinissaat?
3. Naalakkersuisunit qulakkeerneqarpa Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr 13, 17. november 2011-meersoq malinneqarnersoq malitsinniarneqarlunilu?

Akissut:

1-MUT)

Aalisarnermut, Piniarnermut Nunalerinermullu Naalakkersuisutut erseqqissaatigerusuppara, uannut pingaartuusimammatt taamatut nutaamik aalisalernermit Kalaallit Nunaanni piginnaasanik pilersitsiniarnissarput, taamaattumik Tunumi avaleraasartoorarluni aalisarnermut qinnuteqartut namminerisaminnik kalaallit angallataannik angallataatillit aamma pisassiissutinik agguaassinermi pingaarnersiunermit sallerstaatinnegarpur. Kalaallit umiarsuaatileqatigiiffii namminerisaminnik angallataatillit piginnaasaqarnerat naapertorlugu pisassiissutinik tunineqarnikuupput. Tamatuma nassatarisaanik kalaallit umiarsuaatileqatigiiffii namminerisaminnik angallataatillit avaleraasartuunik 52.000 tonsinik agguaavigineqarsimapput. Kalaallit umiarsuaatileqatigiiffii tallimat pingaarnersiunermit sallerpaatillugit pisassiissutinik tunineqarsimapput ingerlatseqatigiiffiillu taakku ullumikkut ulloq aalisarsinnaanermut akuersissutinik tunineqarsimapput kalaallit angallataannut qulingiluanut (9) taakkulu avaleraasartuut agguanneqarsimasut 52.000 tonsit tamakkerlugit aalisarniartussaavaat.

03-07-2014
Suliap nr. 2014-101458
All. nr. 1624266

Postboks 1015
3900 Nuuk
Oqarasuaat (+299) 34 50 00
Allakkasuaartaat (+299) 32 50 02
E-mail: govsec@nanoq.gl
www.naalakkersuisut.gl

Ilanngullugu erseqqissaatigissavara pisassiissutit tamarmik pingaarnersiunerup pingajuata ataani agguaaneqarsimasut ingerlatseqatigiiffinnut maani Kalaallit Nunaanni angerlarsimaffeqavissunut tunniunneqarsimammata. Taava ingerlatseqatigiiffii taakku toqqarsinnaavaat namminneerlutik angallammik pissarsiniarnissartik imaluunniit nunamit NEAFC-imeersumit angallammit attartornissartik. Pisassiissutininik tunisineq pineqanngilaq, kisiannili angallammik attartorneq.

Naalackersuisut neriutigaat, ingerlatseqatigiiffiiit tamakku maannakkut avaleraasartooriarluni aalisarnermut peqataanerat piffissami sivisunerusumi ima kinguneqarumaartoq ingerlatseqatigiiffiiit periarfissaqalerlutik aalisarnermut suli amerlanerusunik aningaasaliissuteqarnissaminnut tunngavissinneqarlutik. Kalaallit ingerlatseqatigiiffii arfineq-marluusut pingaarnersiunerup aappaata aamma pingajuata ataani pisassiissutininik tunineqarsimasut ullumikkut ulloq angallatinut NEAFC-ip erfalasuanik erfalasulinnut arfilinnut aalisarsinnaanermut akuersissutininik tunineqarsimapput.

2-MUT)

Erseqqissaatigissavara kalaallit angallataat tamarmik, Tunumi avaleraasartooriarluni misileraalluni aalisarnermut pisassiissutininik tunineqarsimasut soorunami Kalaallit angallataanni inuttalersuisarnermut Namminersorlutik Oqartussat nalunaarutaat nr. 13, 17. november 2011-imeersoq eqquutsittassavaat.

3-MUT)

Naalackersuisut qulakkiissavaat avaleraasartooriarluni aalisarnermi umiarsuaatileqatigiiffiiit Kalaallit angallataanni inuttalersuisarnermut Namminersorlutik Oqartussat nalunaarutaat nr. 13, 17. november 2011-imeersoq eqquutsissagaat umiarsuaatileqatigiiffiiit tamarmik piumasaqaateqarfigineqarnerisigut tassalu inuttalersuineranut allattorsimaffiutitik tunniuttassagaat tamakkulu Kalaallit Nunaanni Aalisarsinnaanermik Akuersissutininik Nakkutilliisoqarfiup inatsisiliorneq naapertorlugu misissorlugit nakkutigisassagaat.

Inussiarnersumik inuulluaqqusillunga

Finn Karlsen